

## SEDMIČNI PREGLED AKTIVNOSTI SUDA BIH

Odjel I, II i III

(11. – 15. marta 2024.)

- Sud Bosne i Hercegovine je 1.2.2024. potvrdio optužnicu u predmetu **Mateo Miličević (S1 3 K 045554 24 Kps)** koja optuženog **Matea Miličevića** tereti da je radnjama opisanim u optužnici počinio krivično djelo krijumčarenje ljudi iz člana 189. stav 1. KZBiH, u vezi člana 26. KZBiH.

Optuženi **Mateo Miličević** se tereti da je 16.4.2023. godine, u namjeri sticanja protupravne imovinske koristi, na mjestu koje nije predviđeno za zakonit prelazak državne granice, preko državne granice pokušao omogućiti prelazak pet stranih državljana koji nisu ispunjavali uvjete za zakonit prelazak državne granice iz teritorije BiH na teritoriju Republike Hrvatske.

- Vijeće Apelacionog odjeljenja Suda Bosne i Hercegovine je, nakon održane sjednice 30.11.2023. godine, otpremilo drugostepenu presudu u predmetu **Senad Gadžo i dr. (S1 1 K 041969 23 Krž)**, kojom je odbijena kao neosnovana žalba Tužilaštva Bosne i Hercegovine, te je potvrđena presuda Suda Bosne i Hercegovine od 30.5.2023. godine.

Prvostepenom presudom Suda Bosne i Hercegovine od 30.5.2023. optuženi **Senad Gadžo, Zaim Laličić i Suljo Hebib** oslobođeni su od optužbe da su počinili krivično djelo ratni zločin protiv civilnog stanovništva iz člana 142. stav 1. KZSFRJ, u vezi sa članom 22. istog Zakona za pojedine tačke, a sve kako je to precizirano izrekom prvostepene presude.

Optuženi **Senad Gadžo, Zaim Laličić i Suljo Hebib** oslobođeni su od optužbe jer nije dokazano da su radnjama detaljno opisanim u izreci presude počinili krivična djela za koja su se teretili optužnicom Tužilaštva BiH – ratni zločin protiv civilnog stanovništva iz člana 142. stav 1. KZSFRJ, u vezi sa članom 22. istog Zakona, a koja se odnose na ubistva i nečovječna postupanja prema zatočenim civilima srpske nacionalnosti na području Hrasnice u drugoj polovini 1992. godine.

- Sud BiH je 5.2.2024. otpremio drugostepenu presudu u predmetu **Milan Đokić i dr. (S1 1 K 019571 23 Krž 3)**, kojom su odbijene kao neosnovane žalba

Tužilaštva Bosne i Hercegovine i žalbe branilaca optuženih Milana Đokića, Branislava Trišića, Zorana Tanasića, Žarka Milanovića i Mladena Krajišnika, te je prvostepena presuda Suda Bosne i Hercegovine od 8.6.2023. godine **potvrđena.**

Prvostepenom presudom od 8.6.2023. optuženi **Milan Đokić, Branislav Trišić, Zoran Tanasić, Žarko Milanović i Mladen Krajišnik su oglašeni krivim** što su, radnjama opisanim u osuđujućem dijelu izreke presude, počinili krivično djelo ratni zločin protiv civilnog stanovništva iz člana 142. Krivičnog zakona Socijalističke Federativne Republike Jugoslavije, koji je preuzet na osnovu Zakona o primjeni Krivičnog zakona Republike Bosne i Hercegovine i Krivičnog zakona SFRJ.

Sud je optuženima izrekao sljedeće kazne:

- **Milanu Đokiću i Branislavu Trišiću** – kaznu zatvora u trajanju od po **tri (3) godine;**
- **Zoranu Tanasiću, Žarku Milanoviću i Mladenu Krajišniku** – kaznu zatvora u trajanju od po **dvije (2) godine.**

Nasuprot navedenom, istom presudom optuženi **Milan Đokić, Zoran Tanasić, Savo Mršić, Žarko Milanović, Milivoje Čobić i Milan Marković** su oslobođeni od optužbe jer nije dokazano da su radnjama opisanim u izreci oslobađajućeg dijela presude počinili krivično djelo zločini protiv čovječnosti iz člana 172. stav 1. tačka h) u vezi s tačkom f) Krivičnog zakona Bosne i Hercegovine, a sve u vezi sa članom 31. i članom 180. stav 1. istog Zakona.

Optuženi su oglašeni krivim što su za vrijeme oružanog sukoba u Bosni i Hercegovini, u periodu od druge polovine mjeseca septembra 1992. godine do prve polovine 1994. godine, i to: Milan Đokić, u svojstvu komandira Staničnog odjeljenja milicije (SOM) Janja, koja je organizacijski pripadala CSB Bijeljina, **Branislav Trišić**, kao operativni radnik Službe nacionalne bezbjednosti CSB Bijeljina, te **Zoran Tanasić, Žarko Milanović i Mladen Krajišnik**, kao pripadnici – policajci SOM Janja/SM Janja, postupali protivno pravilima međunarodnog humanitarnog prava, i to na način da je Milan Đokić pomagao u mučenju civila bošnjačke nacionalnosti, a **Branislav Trišić, Zoran Tanasić, Žarko Milanović i Mladen Krajišnik** mučili civile bošnjačke nacionalnosti.

Protiv ove presude nije dozvoljena žalba.

- Sud BiH je 5.2.2024. potvrdio optužnicu u predmetu **Vidoje Blagojević i drugi**, koja optužene:
  - **Vidoja Blagojevića** tereti da je radnjama opisanim u optužnici počinio krivično djelo zločini protiv čovječnosti iz člana 172. stav 1. tačka a), e) i) i k) u vezi sa članom 180. stav 2. Krivičnog zakona BiH;
  - **Ivana Arapovića, Milana Arapovića, Kostu Pejića, Božu Radića, Mileta Savića, Mileta Blagojevića, Ljubišu Pejića, Stevu Vasiljevića, Branka Pejića** tereti da su, radnjama opisanim u optužnici, počinili krivična djela zločini protiv čovječnosti iz člana 172. stav 1. tačka a), e) i) i k) u vezi sa članom 180. stav 1. Krivičnog zakona BiH, te u vezi sa članovima 29. i 31. istog Zakona;
  - **Vericu Radović** tereti da je radnjama opisanim u optužnici počinila krivično djelo zločini protiv čovječnosti iz člana 172. stav 1. tačka a), u vezi sa članom 180. stav 1. Krivičnog zakona BiH.

Optužnica, između ostalog, optužene tereti da su u periodu od 31.5.1992. godine do 25.6.1992. godine na području općine Zvornik, za vrijeme rata u Bosni i Hercegovini i u vrijeme oružanog sukoba između Vojske Republike Srpske (VRS) i Armije Republike Bosne i Hercegovine (ARBiH) na području općine Zvornik, te u vrijeme širokog i sistematičnog napada vojnih, paravojnih i policijskih snaga tzv. Srpske Republike BiH, a potom Republike Srpske, usmjerenog protiv civilnog muslimanskog stanovništva općine Zvornik, a koji napad je trajao od 8.4.1992. godine pa najmanje do kraja augusta 1992. godine, znajući i za oružani sukob, ali i za široki i sistematičan napad, te da njihove radnje čine dio tog napada, učestvovali u nezakonitom zatvaranju i nečovječnom postupanju prema oko 700 muslimanskih civila, zatočenih u Tehničkom školskom centru (TŠC) u Karakaju, te ubistvo i prisilni nestanak najmanje 150 muslimanskih civila. Dalje se navodi da su optuženi **Ivan Arapović, Milan Arapović, Kosta Pejić, Božo Radić, Mile Savić, Mile Blagojević, Ljubiša Pejić, Stevo Vasiljević, Branko Pejić**, kao pripadnici Karakajske čete u svojstvu stražara u navedenom objektu, u suprotnosti sa članom 26. Zakona o Vojsci Srpske Republike Bosne i Hercegovine, propustili da zaštite živote i zdravlje oko 700 zatvorenih muslimanskih civila u TŠC Karakaj jer iako su bili stražari u TŠC Karakaj, nisu sprječavali srpske vojnike P. S. (preminuo), M. S. (nedostupan), T. M. (preminuo) koji je bio pripadnik Vojne policije, kao i druge srpske vojnike koji su do 2.6.1992. godine bili pripadnici TO Zvornik, a od 2.6.1992. godine bili su pripadnici Zvorničke brigade VRS, da svakodnevno neometano ulaze u dio TŠC-a gdje su bili zatvoreni ovi

muslimanski civili, nakon čega su navedeni i drugi neidentifikovani srpski vojnici premlaćivali zatvorene muslimanske civile, izvodili zatvorene muslimanske civile, od kada se većini gubio svaki trag, te ubijali zatvorene muslimanske civile. Dalje se navodi da su navedeni optuženi u namjeri nanošenja velikih patnji, ozbiljne fizičke i psihičke povrede, učinili i pomogli u zatvaranju ili drugom teškom oduzimanje fizičke slobode, te pomogli u nečovječnim djelima slične prirode učinjenim u namjeri nanošenja velike patnje ili ozbiljne fizičke ili psihičke povrede ili narušenja zdravlja, prisilnom nestanku i ubistvu civila muslimanske nacionalnosti.

Optuženi **Vidoje Blagojević** se tereti da je kao nadređena osoba pripadnicima Karakajske čete Zvorničke brigade, propustio da poduzme nužne i razumne mjere s ciljem pokretanja postupka za kažnjavanje navedenih pripadnika Karakajske čete i drugih pripadnika Zvorničke brigade zbog njihovog pomaganja i učešća u nečovječnim djelima slične prirode učinjenim u namjeri nanošenja velike patnje ili ozbiljne fizičke ili psihičke povrede ili narušenja zdravlja, prisilnom nestanku i ubistvu oko 700 civila muslimanske nacionalnosti.

Nadalje, optužena **Verica Radović** se tereti da je 1.6.1992. godine ispred prostorija TŠC-a u Karakaju – općina Zvornik, postupala suprotno pravilima međunarodnog humanitarnog prava tako što je došla ispred prostorija TŠC-a, nakon čega su joj stražari izveli dvojicu zatvorenih muslimanskih civila iz prostorija TŠC-a, da bi joj potom jedan od stražara dao repetiran pištolj u ruku iz kojeg je **Verica Radović**, svjesno i voljno, pucala i iz neposredne blizine ubila dvojicu zarobljenika.

- Sud BiH je 6.3.2024. potvrdio optužnicu u predmetu **Slobodan Samardžić (S1 2K 045826 24 Ko)** koja optuženog **Slobodana Samardžića** tereti da je radnjama opisanim u optužnici počinio krivično djelo nedozvoljen promet akciznih proizvoda iz člana 210a. KZBiH, u vezi sa članom 26. KZBiH.

Optužnica tereti optuženog **Slobodana Samardžića** da je 31.5.2023. godine, u Bijeljini, u pomoćnom objektu porodične kuće Đ. M. i Đ. L., u prostoriji koju je koristio po odobrenju prethodnog vlasnika, izrezao veće količine duhana na mašinama za obradu i rezanje duhana, a potom ga zapakovao u 26 PVC vreća, ukupne težine 267,60 kg, a potom, radi lakše distribucije, iste zapakovao u manje vreće i pokušao staviti u promet, svjestan da postupa suprotno Zakonu o akcizama u BiH te da navedena roba nije obilježena akciznim markicama na način propisan poreznim zakonodavstvom BiH.

- Sud BiH je 6.3.2024. potvrdio optužnicu u predmetu **Samir Nukić (S1 2 K 047564 24 Ko)** koja optuženog **Samira Nukića** tereti da je radnjama opisanim u optužnici počinio krivično djelo izazivanje nacionalne, rasne i vjerske mržnje, razdora i netrpeljivosti iz člana 145.a stav 2. Krivičnog zakona Bosne i Hercegovine.

Optužnica tereti optuženog **Samira Nukića** da je 14.7.2023. povodom obilježavanja godišnjice stradanja osmero djece u Vitezu 1993. godine, nakon posjete Visokog predstavnika spomeniku ubijenoj djeci u Vitezu, svojim komentarima i objavama javno podstakao na nasilje ili mržnju usmjerenu ka djeci hrvatske nacionalnosti, na način da je na društvenoj mreži „META-Facebook“, sa svog mobilnog telefona objavio niz komentara uvredljivog sadržaja na koji način je izazvao uznemirenje kod osobe Ivan Garić, jednog od preživjelih u predmetnom događaju 1993. koji je tada izgubio brata i sestru i koji je osnivač Udruge „Osmica“, kao i drugih osoba kojima je sporni govor mržnje bio dostupan na javnoj društvenoj mreži Facebook, kao i drugim javnim prostorima koji su mnogi mediji u BiH i objavili.

- Sud BiH je 8.3.2024. u predmetu **Milomir Đuričić i dr. (S1 1 K 034788 22 Kri)** donio rješenje kojim je optuženim **Milomiru Đuričiću** i **Vukadinu Spasojeviću**, nakon izricanja prvostepene presude, **određen pritvor** zbog postojanja okolnosti iz člana 138. ZKPBiH, a u vezi s pritvorskim razlozima iz člana 132. stav 1. tačka a) ZKPBiH.

Pritvor po ovom rješenju može trajati najduže **devet (9) mjeseci**, od dana lišenja slobode optuženih ili do nove odluke Suda.

#### PONEDELJAK, 11. marta 2024. godine

- Sud BiH je 11.3.2024. u predmetu **Ranko Debevec i dr. (S1 2 K 047095 23 Krn)** djelimično prihvatio prijedlog Tužilaštva BiH i donio rješenje kojim je osumnjičenim **Ranku Debevecu** i **Osmanu Mehmedagiću** ukinut pritvor i istovremeno određene mjere zabrane, i to:
  - **zabrana napuštanja boravišta, u vidu ograničenja kretanja na području općine mjesta boravka,**
  - **zabrana putovanja,**
  - **zabrana sastajanja s određenim osobama.**

Izrečene mjere zabrane mogu trajati dok za istim postoji potreba ili do drugačije odluke Suda. Kontrola opravdanosti izrečenih mjera vršit će se po isteku svaka dva (2) mjeseca od dana donošenja posljednjeg rješenja.

PREDMET	SUDIJA/VIJEĆE	ROČIŠTE
<b>Odjel I</b> <b>Slobodan Taranjac i dr.</b> <b>S1 1 K 024175 17 Kri</b>	<i>Staniša Gluhajić</i> <i>Vesna Jesenković</i> <i>Šaban Maksumić</i>	Saslušanje jednog vještaka odbrane prvooptuženog
<b>Odjel II</b> <b>Sead Muslić</b> <b>S1 2 K 045702 23 K</b>	<i>Mirza Đozo</i> <i>Miroslav Janjić</i> <i>Sena Uzunović</i>	Početak glavnog pretresa
<b>Odjel II</b> <b>Ranko Debevec i dr.</b> <b>S1 2 K 047095 23 Krn</b>	<i>Strika Mirsad</i>	Ročište po prijedlogu Tužilaštva za ukidanje mjere pritvora i određivanje mjera zabrane
<b>Odjel II</b> <b>Adnan Ćatić</b> <b>S1 2 K 046872 24 K</b>	<i>Jasmina Ćosić Dedović</i> <i>Hasija Mašović</i> <i>Goran Radević</i>	Početak glavnog pretresa
<b>Odjel III</b> <b>Nedeljko Lubura i dr.</b> <b>S1 3 K 047164 24 K</b>	<i>Goran Radević</i>	Razmatranje sporazuma o priznanju krivnje i izricanje presude

#### UTORAK, 12. marta 2024. godine

- Sud BiH je 12.3.2024. u predmetu **Vildan Ključo (S1 2 K 024349 24 K)** donio rješenje van ročišta, kojim je utvrđeno da i dalje postoje okolnosti koje opravdavaju trajanje mjere pritvora optuženom **Vildanu Ključići**, određene rješenjem ovog Suda, i to iz razloga propisanih odredbom člana 132. stav 1. tačke a) ZKPBiH. Naredna kontrola pritvora predviđena je za dva (2) mjeseca.
- Sud BiH je 12.3.2024. donio rješenje u predmetu **Miodrag Vukoje (S1 3 K 047488 24 Kv 3)** kojim je djelimično prihvaćen prijedlog Tužilaštva BiH i osumnjičenom **Nebojši Mrdiću produžen pritvor**, koji po ovom rješenju može trajati mjesec dana, odnosno do **12.4.2024.** ili do nove odluke Suda, a sve iz razloga propisanih članom 132. stav 1. tačka a) i b) ZKPBiH. Istovremeno, osumnjičenom **Miodragu Vukoji** ukinut je pritvor određen ranijim rješenjem ovog Suda. Na osnovu člana 131. stav 5. ZKPBiH i člana 126. stav 1. i 2. te članom 126.a stav 1. tačka d) i stav 2. ZKPBiH, osumnjičenom **Miodragu**

**Vukoji** određene su mjere zabrane i to: zabrana napuštanja boravišta i zabrana putovanja iz člana 126. stav 1. i 2. ZKPBiH. Izrečene mjere zabrane mogu trajati dok za istim postoji potreba ili do drugačije odluke Suda, a kontrola opravdanosti trajanja mjera će se vršiti svaka dva mjeseca. U slučaju da osumnjičeni prekrši neku od izrečenih mjera zabrane, može mu se odrediti mjera pritvora.

<b>PREDMET</b>	<b>SUDIJA VIJEĆE</b>	<b>ROČIŠTE</b>
<b>Odjel II Mirza Kapić S1 2 K 046188 24 K</b>	<i>Janjić Miroslav Uzunović Sena Đozo Mirza</i>	Početak glavnog pretresa
<b>Odjel II Saša Ratković i dr. S1 2 K 044836 23 K</b>	<i>Janjić Miroslav Đozo Mirza Uzunović Sena</i>	Prezentacija rezultata posebnih istražnih radnji uz pomoć jednog svjedoka Tužilaštva
<b>Odjel II Sead Mukanović i dr. S1 2 K 041120 21 K</b>	<i>Blagić Stanko Ćuković Biljana Tankić Izo</i>	Saslušanje četiri svjedoka i jednog vještaka po prijedlogu Tužilaštva
<b>Odjel II Vildan Ključo S1 2 K 024349 24 K</b>	<i>Tankić Izo Blagić Stanko Ćuković Biljana</i>	Saslušanje šest svjedoka po prijedlogu Tužilaštva
<b>Odjel II Ilanko Gašić i dr. S1 2 K 035062 23 K</b>	<i>Strika Mirsad</i>	Provođenje dokaza Tužilaštva saslušanjem jednog svjedoka; ulaganje materijalnih dokaza Tužilaštva; provođenje dokaza odbrane drugooptuženog saslušanjem jednog svjedoka
<b>Odjel III Miodrag Vukoje i dr. S1 3 K 047488 24 Kpp</b>	<i>Željka Marenić</i>	Ročište za produženje mjere pritvora

**SRIJEDA, 13. marta 2024. godine**

- Na ročištu za izjašnjenje o krivnji održanom 13.3.2024. u predmetu **Milan Komljenović i dr. (S1 2 K 045688 24 Ko)** optuženi **Milan Komljenović** izjasnio se da **nije kriv**, a optužena pravna osoba „**Agrokombinat**“ **d.o.o.**

**Banja Luka** da nije odgovorna za krivično djelo za koje se terete optužnicom Tužilaštva BiH – porezna utaja ili prevara iz člana 210. stav 1. Krivičnog zakona BiH, u vezi sa članom 54. istog Zakona.

- Na ročištu za izjašnjenje o krivnji održanom 13.3.2024. u predmetu **Xiang Guanghua i dr. (S1 2 K 028012 23 Ko)** optuženi **Xiang Guanghua** izjasnio se da **nije kriv**, a optužena pravna osoba “**BU-BU-GAO**” d.o.o. da **nije odgovorna** za krivično djelo za koje se terete optužnicom Tužilaštva BiH – porezna utaja ili prevara iz člana 210. stav 1. u vezi sa članom 124. Krivičnog zakona Bosne i Hercegovine.
- Na ročištu za određivanje pritvora održanom 13.3.2024. u predmetu **Škaljo Semir (S1 3 K 035086 23 Kps)**, optuženi Semir Škaljo se izjasnio da je kriv, zbog postojanja osnovane sumnje da je počinio krivično djelo ugrožavanje osoba pod međunarodnopravnom zaštitom iz člana 192. stav 4. u vezi sa stavom 1. Krivičnog zakona Bosne i Hercegovine.
- Sud BiH je 13.3.2024., odlučujući o prijedlogu Tužilaštva za određivanje pritvora donio rješenje u predmetu **Sahin Sogutlu (S1 3 K 043234 24 Kps)** kojim je prihvaćen prijedlog Tužilaštva BiH i optuženom **Sahin Sogutlu određen pritvor**, koji po ovom rješenju može trajati do izricanja prvostepene presude ili do nove odluke Suda, a najduže **jednu godinu i šest mjeseci**, od dana lišenja slobode optuženog, odnosno do **12.9.2025.**, s tim da će se kontrola opravdanosti pritvora vršiti po isteku svaka dva mjeseca od dana donošenja posljednjeg rješenja o pritvoru, a sve iz razloga propisanih članom 132. stav 1. tačka a) ZKPBiH.

PREDMET	SUDIJA/VIJEĆE	ROČIŠTE
Odjel I <b>Zijad Kadrić i dr.</b> <b>S1 1 K 044290 23 Kri</b>	<i>Braco Stupar</i> <i>Davorin Jukić</i> <i>Lejla Konjić Dragović</i>	Saslušanje jednog svjedoka po prijedlogu Tužilaštva
Odjel II <b>Bojan Cvijetić i dr.</b> <b>S1 2 K 046336 23 K</b>	<i>Izo Tankić</i> <i>Biljana Ćuković</i> <i>Stanko Blagić</i>	Nastavak glavnog pretresa saslušanjem dva svjedoka
Odjel II <b>Milan Komljenović i dr.</b> <b>S1 2 K 045688 24 Ko</b>	<i>Željka Marenić</i>	Ročište za izjašnjenje o krivnji

Odjel I Dževad Mlaćo i drugi S1 1 K 047075 24 Kri	Tanja Curović Željka Marenić Minka Kreho	Statusna konferencija i početak glavnog pretresa
Odjel II Željko Ljubojević S1 2 K 044521 24 Ko	Šaban Maksumić	Ročište za izjašnjenje o krivnji
Odjel I Boško Peulić i dr. S1 1 K 045883 23 Kri	Vesna Jesenković Šaban Maksumić Božić Zoran	Saslušanje dva svjedoka po prijedlogu Tužilaštva
Odjel II Xiang Guanghua i dr. S1 2 K 028012 23 Ko	Davorin Jukić	Ročište za izjašnjenja o krivnji
Odjel I Rajko Kušić S1 1 K 041352 23 Mpom	Zoran Božić	Saslušanje dva svjedoka Tužilaštva videolinkom
Odjel II Robert Iličić i dr. S1 2 K 035362 22 K	Strika Mirsad Hasija Mašović Goran Radević	Provođenje dokaza Tužilaštva saslušanjem jednog svjedoka
Odjel III Semir Škaljo S1 3 K 035086 23 Kps	Davorin Jukić	Ročište za izjašnjenje o krivnji
Odjel III Sahin Sogutlu S1 3 K 043234 24 Kps	Zoran Božić	Ročište za određivanje mjere pritvora

#### ČETVRTAK, 14. marta 2024. godine

- Na ročištu za izjašnjenje o krivnji održanom 14.3.2024. u predmetu **Lazar Ristić i dr. (S1 1 K 047173 23 Kro)** optuženi **Lazar Ristić, Mladen Mihajlović, Dragoje Ivanović, Stanoje Birčaković i Milorad Birčaković** izjasnili su se da **nisu krivi** za krivično djelo za koje se terete optužnicom Tužilaštva BiH – genocid iz člana 171. Krivičnog zakona Bosne i Hercegovine, a sve u vezi sa članom 180. stav 1. i članom 31. KZBiH.
- Sud BiH je 14.3.2024. u predmetu **Srećko Mandić i dr. (S1 2 K 041197 21 Krn)** prihvatio prijedlog Tužilaštva BiH i donio rješenje kojim su osumnjičenom **Emiru Kabašu** određene mjere zabrane, i to:

- **zabrana napuštanja boravišta;**
- **zabrana putovanja;**
- **zabrana sastajanja s određenim osobama.**

Izrečene mjere zabrane mogu trajati dok za istim postoji potreba ili do drugačije odluke Suda. Kontrola opravdanosti izrečenih mjera vršit će se po isteku svaka dva (2) mjeseca od dana donošenja posljednjeg rješenja.

<b>PREDMET</b>	<b>SUDIJA/VIJEĆE</b>	<b>ROČIŠTE</b>
<b>Odjel II Nemanja Filipović S1 2 K 035077 24 K</b>	<i>Biljana Ćuković Izo Tankić Stanko Blagić</i>	Početak glavnog pretresa, čitanje optužnice i uvodne riječi
<b>Odjel II Željko Stavrić S1 2 K 045590 23 K</b>	<i>Biljana Ćuković Izo Tankić Stanko Blagić</i>	Statusna konferencija
<b>Odjel I Boško Unčanin i dr. S1 1 K 042984 22 Kri</b>	<i>Minka Kreho Željka Marenčić Tanja Curović</i>	Saslušanje prvooptuženog, ulaganje dokaza i iznošenje završne riječi Tužilaštva
<b>Odjel II Miloš Lučić i dr. S1 2 K 044522 23 Ko</b>	<i>Šaban Maksumić</i>	Ročište za izjašnjenje o krivnji
<b>Odjel II Danilo Cicović i dr. S1 2 K 028774 18 K</b>	<i>Hasija Mašović Stanko Blagić Mirsad Strika</i>	Provođenje dokaza Tužilaštva saslušanjem jednog svjedoka
<b>Odjel I Mile Ujić S1 1 K 017080 20 Kri</b>	<i>Braco Stupar Davorin Jukić Enida Hadžiomerović</i>	Iznošenje završnih riječi Tužilaštva
<b>Odjel I Branislav Lasica i dr. S1 1 K 041879 22 Kri</b>	<i>Lejla Konjić Dragović Davorin Jukić Braco Stupar</i>	Saslušanje dva svjedoka po prijedlogu Tužilaštva
<b>Odjel I Lazar Ristić i dr. S1 1 K 047173 23 Kro</b>	<i>Tanja Curović</i>	Ročište za izjašnjenje o krivnji
<b>Odjel I Simo Ličina i dr. S1 1 K 041952 22 Kri</b>	<i>Vesna Jesenković Zoran Božić Šaban Maksumić</i>	Nastavak glavnog pretresa

**PETAK, 15. marta 2024. godine**

<b>PREDMET</b>	<b>SUDIJA/VIJEĆE</b>	<b>ROČIŠTE</b>
<b>Odjel I</b> <b>Borislav Gligorević.</b> <b>S1 1 K 045790 23 Kri</b>	<i>Davorin Jukić</i> <i>Lejla Konjić Dragović</i> <i>Braco Stupar</i>	Saslušanje jednog svjedoka po prijedlogu Tužilaštva
<b>Odjel II</b> <b>Jerko Vican i dr.</b> <b>S1 2 K 041523 22 K</b>	<i>Sena Uzunović</i> <i>Miroslav Janjić</i> <i>Mirza Đozo</i>	Saslušanje vještaka medicinske struke po prijedlogu Tužilaštva
<b>Odjel II</b> <b>Sonja Krstić i dr.</b> <b>S1 2 K 044976 24 Ko</b>	<i>Dragan Vukajlović</i>	Ročište za izjašnjenje o krivnji
<b>Odjel I</b> <b>Mustafa Stovrag</b> <b>S1 1 K 033885 19 Kri</b>	<i>Minka Kreho</i> <i>Željka Marenić</i> <i>Tanja Curović</i>	Saslušanje dva svjedoka po prijedlogu Tužilaštva
<b>Odjel I</b> <b>Veljko Brajić i dr.</b> <b>S1 1 K 047174 23 Kro</b>	<i>Dragan Vukajlović</i>	Ročište povodom prijedloga Tužilaštva za produženje mjera

**Najave za narednu sedmicu:**

**Za ponedjeljak, 18.3.2024. godine:**

- **Vojin Pavlović (S1 2K 047294 24 Ko)** – Ročište za izjašnjenje o krivnji zakazano u 13:00 sati, sudnica 10;
- **Ante Bralić-Labinčić (S1 2 K 044278 22 K)** – Ročište za početak glavnog pretresa zakazan u 10:00 sati, sudnica 8.

**Za srijedu, 20.3.2024. godine:**

- **Ilinko Gašić i dr (S1 2 K 035062 23 K)** – Iznošenje završnih riječi odbrane i stranaka zakazano u 13:00 sati, sudnica 9;
- **Nenad Kovačev (S1 3 K 045521 24 Kps)** – Ročište za razmatranje sporazuma o priznanju krivnje zakazano u 08:30 sati, sudnica 4.

**Za petak, 22.3.2024. godine:**

- **Željko Ljubojević (S1 2 K 044521 24 Ko)** – Ročište za izjašnjenje o krivnji zakazano u 11:30 sati, sudnica 9.

## STATISTIKE

<b>ODJELJENJE ZA PODRŠKU SVJEDOCIMA</b>		
Odjel	Broj predmeta	Broj svjedoka
Ratni zločini	<b>8</b>	<b>13</b>
Organizirani kriminal	<b>4</b>	<b>6</b>
Opći kriminal	<b>0</b>	<b>0</b>

<b>Broj održanih ročišta u sudnicama 3-9</b>	<b>39</b>
<b>Broj zahtjeva za izdavanje AV materijala (Odjeljenje za informiranje javnosti)</b>	<b>16</b>

**Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: [pios@sudbih.gov.ba](mailto:pios@sudbih.gov.ba)**